

An Bhruiséil, 28 Feabhra 2025
(OR. en)

6518/25

**Comhad Idirinstitiúideach:
2024/0315(COD)**

LIMITE

**IXIM 43
FRONT 55
VISA 28
EURODAC 4
COSI 36
JAI 233
COMIX 70
COPEN 32
CODEC 170**

NÓTA

ó:	An Uachtaránacht
chuig:	An Chomhairle
Uimh. an doic. roimhe seo:	6364/25
Uimh. an doic. ón gCoim.:	16639/24
Ábhar:	Togra le haghaidh Rialachán ó Pharlaimint na hEorpa agus ón gComhairle maidir le maolú sealadach ar fhorálacha áirithe de Rialachán (AE) 2017/2226 agus Rialachán (AE) 2016/399 a mhéid a bhaineann le tús a chur de réir a chéile le hoibríochtaí an Chórais Dul Isteach/Imeachta – Cur chuige ginearálta

I. RÉAMHRÁ

1. An 4 Nollaig 2024, thíolaic an Coimisiún togra le haghaidh Rialachán ó Pharlaimint na hEorpa agus ón gComhairle maidir le maolú sealadach ar fhorálacha áirithe de Rialachán (AE) 2017/2226 agus Rialachán (AE) 2016/399 a mhéid a bhaineann le tús a chur de réir a chéile le hoibríochtaí an Chórais Dul Isteach/Imeachta ('an rialachán atá beartaithe')¹.

¹ 16639/24

2. Eascraíonn cuspóirí ginearálta an togra seo as na spriocanna atá bunaithe ar na Conarthaí chun bainistiú teorainneacha seachtracha limistéar Schengen a fheabhsú a thuilleadh trí thús a chur le rialacha comhchuibhithe an chórais dul isteach/imeachta maidir le gluaiseachtaí trasteorann a chur i bhfeidhm a luaithis is féidir agus, dá bhrí sin, rannchuidiú le slándáil inmheánach an Aontais Eorpaigh.
3. Leagtar síos sa tionscnamh an bealach chun tús a chur de réir a chéile le hoibríochtaí an chórais dul isteach/imeachta, lena maolaítear go sealadach ar fhorálacha áirithe de Rialachán (AE) 2017/2226 ('Rialachán an chórais dul isteach/imeachta')² agus Rialachán (AE) 2016/399 ('Cód Teorainneacha Schengen')³ lena gceanglaítear ar na Ballstáit an córas dul isteach/imeachta a úsáid ina iomláine.
4. Is é cuspóir ginearálta an togra oibríochtú Rialachán an Chórais Dul Isteach/Imeachta a éascú, rud a chuirfidh ar a gcumas do na Ballstáit cuspóirí an Chórais Dul Isteach/Imeachta a bhaint amach go tráthúil éifeachtúil, ar cuspóirí iad a leagtar amach i Rialachán an Chórais Dul Isteach/Imeachta.

II. AN OBAIR SNA HINSTITIÚIDÍ EILE

5. I bParlaimint na hEorpa, ainmníodh an Coiste um Shaoirsí Sibhialta, um Cheartas agus um Ghnóthaí Baile (LIBE) mar an Coiste inniúil, agus ceapadh Assita Kanko (ECR, BE) ina Rapóirtéir don chomhad.

III. AN OBAIR I GCOMHLACHTAÍ ULLMHÚCHÁIN NA COMHAIRLE

6. An 5 Nollaig 2024, faoi Uachtaránacht na hUngáire, cuireadh an Rialachán atá beartaithe faoi bhráid na Meithle um Chomh-mhalartú Faisnéise CGB (IXIM).
7. Rinneadh an chéad scrúdú ar an togra ag dhá chruinniú de chuid Chomhairleoirí CGB (IXIM), ar tugadh cuireadh do Chomhairleoirí Teorainneacha freastal orthu) an 10 agus an 13 Nollaig 2024.

² Rialachán (AE) 2017/2226 ó Pharlaimint na hEorpa agus ón gComhairle an 30 Samhain 2017 lena mbunaítear Córas Dul Isteach/Imeachta (EES) chun sonraí faoi dhul isteach agus imeacht agus sonraí faoi dhiúltú cead isteach náisiúnach tríú tír a chlárú agus iad ag trasnú teorainneacha seachtracha na mBallstát agus lena gcinntear na coinníollacha ar a dtabharfar rochtain ar EES chun críocha fhorghníomhú an dlí, agus lena leasaítear an Coinbhinsiún lena ndéantar Comhaontú Schengen a chur chun feidhme agus Rialachán (CE) Uimh. 767/2008 agus Rialachán (AE) Uimh. 1077/2011 (IO L 327, 9.12.2017, lgh. 20–82).

³ Rialachán (AE) 2016/399 ó Pharlaimint na hEorpa agus ón gComhairle an 9 Márta 2016 maidir le Cód an Aontais maidir leis na rialacha lena rialaítear gluaiseacht daoine thar teorainneacha (IO L 77, 23.3.2016, lgh. 1–52)

8. Leanadh den phlé ar an Rialachán atá beartaithe faoi Uachtaránacht na Polainne. Bhí an togra ar chlár oibre chruinniú Mheitheal IXIM an 13 Eanáir 2025, agus pléadh é ag trí chruinniú eile de Chomhairleoirí CGB (IXIM, ar tugadh cuireadh do Chomhairleoirí Teorainneacha freastal orthu) an 16 Eanáir, an 6 Feabhra agus an 17 Feabhra 2025.
9. Roimh an gcrúinniú a tionóladh an 6 Feabhra, mhol Uachtaránacht na Polainne an chéad téacs comhréitigh. Ba dhíol sásaimh do na toscaireachtaí an téacs agus cuireadh roinnt ábhair inní a bhí ann fós san áireamh i dtéacs comhréitigh athbhreithnithe a moladh roimh an gcrúinniú a tionóladh an 17 Feabhra. Thacaigh Comhairleoirí CGB d'aon toil leis an téacs comhréitigh athbhreithnithe.
10. Rinneadh athbhreithniú dlíthiúil ar an téacs comhréitigh ón Uachtaránacht ina dhiaidh sin ach níor athraíodh éirí an téacs.
11. Baineann príomhghnéithe an téacs chomhréitigh ón Uachtaránacht leis na gnéithe seo a leanas go háirithe:
 - Dearbhú gur cheart an mhoill a bhaineann le cur i bhfeidhm an Chórais Dul Isteach/Imeachta ina iomláine a bheith chomh gearr agus is féidir. Soiléirítear sa téacs comhréitigh go bhfuil na dearbhuithe a cuireadh isteach cheana maidir le hullmhacht i dtaobh an Chórais Dul Isteach/Imeachta a chur i bhfeidhm bailí fós. Ní chuirtear ann síneadh leis an 180 lá atá beartaithe chun tús a chur de réir a chéile le hoibríochtaí an Chórais Dul Isteach/Imeachta.
 - Cé go ndeimhnítear gur féidir leis na Ballstáit ar mian leo an Córas Dul Isteach/Imeachta a chur i bhfeidhm go hiomlán ón gcéad lá den tréimhse ina gcuirtear tús le hoibríochtaí de réir a chéile é sin a dhéanamh, ach go ndéanfar cinnte de gharspriocanna coiteanna íosta chun a áirithiú go gcuirfead an Córas Dul Isteach/Imeachta i bhfeidhm go seasta le linn na tréimhse sin. Sa chomhthéacs sin, soiléirítear sa téacs comhréitigh freisin gur féidir leis na Ballstáit a chuireann tús de réir a chéile le hoibríochtaí an Córais Dul Isteach/Imeachta a oibriú i lána amháin nó i roinnt lánaí de phointe trasnaithe teorann.

- Béim a leagan ar a thábhachtaí atá sé aon saincheisteanna maidir le feidhmiú lárchóras an Chórais dul isteach/imeachta a dheimhniú, faireachán a dhéanamh air agus aghaidh a thabhairt air. Déantar tagairtí sainráite ann do ról chomhlachtaí rialaithe eu-LISA sa chomhthéacs sin, ina measc trína thabhairt isteach gur cheart do Bhord Bainistíochta Chlár an Chórais Dul Isteach/Imeacht leanúint dá chuid gníomhaíochtaí go dtí go dtiocfaidh deireadh le tús de réir a chéile le hoibríochtaí an chórais. Áirítear sa téacs comhréitigh freisin gur cheart spriocanna feidhmíochta agus infhaighteachta lárchóras an Chórais Dul Isteach/Imeachta, an straitéis maidir le lochtanna feidhmiúla a d'fhéadfadh a bheith ann, a dheimhniú i bplean ardleibhéil um fheidhmiú céimneach eu-LISA, agus gur cheart do bhord bainistíochta eu-LISA é a fhormheas. Tugtar isteach leis córas fógartha i gcás ina gcliseann ar lárchóras an Chórais Dul Isteach/Imeachta.
- Maolú a dhéanamh ar aon ualach breise riaracháin agus oibríochtúil ar na Ballstáit a thagann chun cinn leis an gcur chuige céimnitheach. Soiléirítear sa téacs comhréitigh nár cheart na pleananna cur i bhfeidhm a cheanglaítear ar na Ballstáit a dhéanamh faoin Rialachán atá beartaithe a bheith anásta. Simplítear ann freisin oibleagáidí tuairiscithe na mBallstát chun go mbeidh siad in ann díriú ar aon athrú ar a bplean um fheidhmiú céimneach. Déantar an tréimhse ama a dhúbailt ó 6 uair an chloig go 12 uair an chloig ina mbeidh Ballstáit in ann fógra a thabhairt don Choimisiún agus eu-LISA maidir leis an gCóras Dul Isteach/Imeachta a chur ar fionraí. Soiléirítear sa téacs comhréitigh freisin an forluí atá ann idir stampaí a ghreamaítear de na doiciméid taistil agus de chomhaid aonair an Chórais Dul Isteach/Imeachta, agus sonraítear ann freisin na cásanna nár cheart taifid an Chórais Dul Isteach/Imeachta a úsáid.
- Cuirfear san áireamh ar bhealach níos fearr imthosca eisceachtúla díreach tar éis deireadh an tús a chuirtear de réir a chéile le hoibríochtaí. Leis an téacs comhréitigh, ceadáítear do na Ballstáit clárú sonraí bithmhéadracha sa Chóras Dul Isteach/Imeachta a chur ar fionraí tar éis do dheireadh teacht le tús a bheith curtha de réir a chéile le hoibríochtaí an Chórais Dul Isteach/Imeachta ar feadh tréimhse theoranta 90 lá, seachas an 60 lá atá beartaithe.
- Rannchuidítear le trédhearcacht níos fearr maidir leis an gcur chuige nua i leith thús na n-oibríochtaí. Sonraítear sa téacs comhréitigh go háirithe gur cheart don Choimisiún ábhair fheachtas faisnéise an Chórais Dul Isteach/Imeachta a oiriúnú sula gcuirfear tús le hoibriú an Chórais Dul Isteach/Imeachta agus tacú leis na Ballstáit ábhair oiriúnaithe an fheachtais a ullmhú.

12. An 26 Feabhra 2025, scrúdaigh Coiste na mBuanionadaithe an téacs comhréitigh ón Uachtaránacht agus ní raibh aon agóid aige i gcoinne tíolacadh a dhéanamh le haghaidh cur chuige ginearálta.

IV. CONCLÚIDÍ

13. I bhfianaise an mhéid thuas, iarrtar ar an gComhairle cur chuige ginearálta a ghlacadh maidir leis an togra le haghaidh Rialachán ó Pharlaimint na hEorpa agus ón gComhairle maidir le maolú sealadach ar fhorálacha áirithe de Rialachán (AE) 2017/2226 agus Rialachán (AE) 2016/399 a mhéid a bhaineann le tús a chur de réir a chéile le hoibríochtaí an Chórais Dul Isteach/Imeachta. Is éard a bheidh sa chur chuige ginearálta, sainordú don chaibidlíocht a bheidh ann amach anseo le Parlaimint na hEorpa i gcomhthéacs an ghnáthnós imeachta reachtaigh.
-

2024/0315 (COD)

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

**maidir le maolú sealadach ar fhorálacha áirithe de Rialachán (AE) 2017/2226 agus Rialachán (AE) 2016/399 a mhéid a bhaineann le tús a chur de réir a chéile le hoibríochtaí an Chórais
Dul Isteach/Imeachta**

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 77(2),
pointí (b) agus (d) agus Airteagal 87(2), pointe (a), de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag gníomhú dóibh i gcomhréir leis an ngnáthnós imeachta reachtach⁴,

De bharr an mhéid seo a leanas:

⁴ [ionadchoinneálaí] Seasamh Pharlaimint na hEorpa [an dáta le cur isteach tar éis comhaontú] agus cinneadh ón gComhairle an [dáta le cur isteach tar éis comhaontú].

- (1) In Airteagal 66(1) de Rialachán (AE) 2017/2226 ó Pharlaimint na hEorpa agus ón gComhairle⁵, lena mbunaítear an Córas Dul Isteach/Imeachta ('EES'), foráiltear go bhfuil an Coimisiún le cinneadh a dhéanamh maidir leis an dáta a chuirfidh an Córas Dul Isteach/Imeachta tús le hoibríochtaí, ar choinníoll go gcomhlíontar coinníollacha áirithe.
- (2) Mar sin féin, níl na fógraí uile de bhun Airteagal 66(1), pointe (c) de Rialachán (AE) 2017/2226 faighte ag an gCoimisiún, ar ceann de na coinníollacha maidir le cinneadh a dhéanamh faoi thús oibríochtaí EES é. ***Thairis sin, d'fhéadfadh tús iomlán a chur le hoibríochtaí thar oíche a bheith ina thosca riosca d'athléimneacht an chórais ina iomláine.***
- (3) Ní cheadaítear le Rialachán (AE) 2017/2226 ach tús iomlán a chur le hoibríochtaí, rud a cheanglaítear ar na Ballstáit uile tús a chur leis an gCóras Dul Isteach/Imeachta a úsáid go hiomlán le haghaidh na náisiúnach tríú tír uile atá faoi réir clárú sa Chóras Dul Isteach/Imeachta agus an Córas Dul Isteach/Imeachta a úsáid go comhuaineach ag a bpointí trasnaithe teorann uile.
- (4) Chun an tsolúbthacht is gá a thabhairt do na Ballstáit chun tús a chur leis an gCóras Dul Isteach/Imeachta a úsáid de réir a leibhéil ullmhachta agus ***chun*** coigeartuithe teicniúla agus oibríochtúla a éascú agus iad ag cur tús leis an gCóras Dul Isteach/Imeachta a oibriú, is gá rialacha a leagan síos maidir le tús a chur de réir a chéile le hoibríochtaí an Chórais Dul Isteach/Imeachta. Chun a áirithiú go léireofar sna coigeartuithe sin sreafaí taistil agus buaiceanna séasúracha a d'fhéadfadh a bheith ann, ***agus ós rud é go bhféadfadh tionchar éigin a bheith ag tús a chur de réir a chéile ar oibríochtaí ar na Ballstáit i dtéarmaí ualach oibre méadaithe ag na pointí trasnaithe teorann***, ba cheart tréimhse ***theoranta*** 180 lá féilire a bheith i gceist le tús a chur de réir a chéile le ***hoibríochtaí an Chórais Dul Isteach/Imeachta*** sin.

⁵ Rialachán 2017/2226 ó Pharlaimint na hEorpa agus ón gComhairle an 30 Samhain 2017 lena mbunaítear Córas Dul Isteach/Imeachta (EES) chun sonraí faoi dhul isteach agus imeacht agus sonraí faoi dhiúltú cead isteach náisiúnach tríú tír a chlárú agus iad ag trasnú theorainneacha seachtracha na mBallstát agus lena gcinntear na coinníollacha ar a dtabharfar rochtain ar EES chun críocha fhorghníomhú an dlí, agus lena leasaítear an Coinbhinsiún lena ndéantar Comhaontú Schengen a chur chun feidhme agus Rialachán (CE) Uimh. 767/2008 agus Rialachán (AE) Uimh. 1077/2011 (IO L 327, 9.12.2017, lch. 20, ELI:<http://data.europa.eu/eli/reg/2017/2226/oj>).

- (5) Dá bhrí sin, chun go mbeifear in ann tús a chur de réir a chéile le hoibríochtaí an Chórais Dul Isteach/Imeachta, is gá maolú **sealadach** ar fhorálacha áirithe de Rialachán (AE) 2017/2226 agus Rialachán (AE) 2016/399 ó Pharlaimint na hEorpa agus ón gComhairle¹ ('Cód Teorainneacha Schengen'). Tá feidhm ag rialacha eile a leagtar amach i Rialachán (AE) 2017/2226 nach ndéantar difear dóibh leis an Rialachán seo mar a fhoráiltear sa Rialachán sin. Go háirithe, **tá feidhm ag na rialacha a leagtar amach i Rialachán (AE) 2017/2226** maidir leis na sonraí atá ar taifead sa Chóras Dul Isteach/Imeachta i rith tús a chur de réir a chéile le hoibríochtaí [...] **an Chórais Dul Isteach/Imeachta** agus meastar, **dá bhrí sin, go bhfuil na sonraí sin** iontaofa agus cruinn. **Ina theannta sin, ní dhéanann an Rialachán seo difear do bhailíocht na bhfógraí a chuir na Ballstáit ar fáil cheana féin faoi Airteagal 66(1) de Rialachán (AE) 2017/2226.**
- (6) Ba cheart do na Ballstáit tús a chur de réir a chéile leis an gCóras Dul Isteach/Imeachta a oibriú chun sonraí na náisiúnach tríú tír atá faoi réir clárú sa Chóras Dul Isteach/Imeachta a thaifeadadh ag **pointe trasnaithe teorann** amháin nó níos mó **agus ag lána amháin nó níos mó de** na pointí trasnaithe teorann **sin**, ar theacht agus ar imeacht dóibh. Más féidir agus más infheidhme, ba cheart do na Ballstáit comhcheangal de phointí trasnaithe teorann aeir, talún agus mara a chuimsiú. Chun seoladh rialaithe an Chórais Dul Isteach/Imeachta a áirithiú agus chun amanna feithimh fada a d'fhéadfadh a bheith ag na teorainneacha a bhainistiú ar bhealach níos fearr agus iad a sheachaint, i gcás inarb ábhartha, ba cheart do na Ballstáit feidhmiúlachtaí uile an Chórais Dul Isteach/Imeachta a úsáid de réir a chéile agus sonraí na náisiúnach tríú tír uile atá faoi réir clárú san Chóras Dul Isteach/Imeachta a chlárú de réir a chéile. Chun cur chuige comhordaithe a áirithiú, ba cheart an tús a chuirfear de réir a chéile le hoibríochtaí **an Chórais Dul Isteach/Imeachta** a chur chun feidhme i gcéimeanna, rud ar cheart na híoscheanglais a bheidh le baint amach ag na Ballstáit a leagan síos leis. Beidh an deis ag na Ballstáit dlús a chur leis an gcur chun feidhme ar an leibhéal náisiúnta nó tús a chur leis an gCóras Dul Isteach/Imeachta a oibriú go hiomlán ó thús an chur chuige chéimnithigh.

- (7) Chun cur in úsáid rianúil EES a éascú, ba cheart do Ghníomhaireacht an Aontais Eorpaigh chun Bainistiú Oibríochtúil a dhéanamh ar Chórais Mhórsála TF sa Limistéar Saoirse, Slándála agus Ceartais (eu-LISA) plean ardleibhéil um fheidhmiú céimneach a fhorbairt chun treoraíocht a sholáthar do na Ballstáit agus do ghníomhaireachtaí an Aontais maidir le cur in úsáid **EES** a phleanáil agus a chur i gcrích le linn an tús a chuirfear de réir a chéile lena hoibríochtaí (***‘plean ardleibhéil eu-LISA maidir le feidhmiú céimneach’***) agus ba cheart di an plean a chur faoi bhráid an Choimisiúin, na mBallstát agus ghníomhaireachtaí an Aontais. Leis an bplean sin, ba cheart [...] ***spriocanna feidhmíochta agus infhaighteachta*** lárchóras **EES a dheimhniú** [...] ***chomh maith leis an straitéis maidir le mionlochtanna feidhmiúla, mórlochtanna agus fabhtanna blocála a d’fhéadfadh a bheith ann amach anseo agus ba cheart do Bhord Bainistíochta eu-LISA iad a ghlacadh.*** Ba cheart an plean [...] ardleibhéil um fheidhmiú céimneach a chur san áireamh sna cinntí ó na Ballstáit tús a chur le hoibríochtaí nó iad a chur chun cinn.
- (8) Chun cur in úsáid rianúil EES a éascú, ba cheart do na Ballstáit pleananna náisiúnta um fheidhmiú céimneach a fhorbairt i gcomhairle leis an gCoimisiún agus eu-LISA. I gcás gach ceann de chéimeanna an tús a chuirfear de réir a chéile [...] le hoibríochtaí **EES**, ba cheart a chuimsiú sna pleananna náisiúnta um fheidhmiú céimneach an fhaisnéis faoi na tairseacha agus na ceanglais a leagtar síos, go háirithe an méid seo a leanas: (i) an dáta ***a mheastar*** óna n-oibreofar EES ag [...] ***pointí*** trasnaithe teorann [...]; (ii) céatadán ***measta*** an lín mheasta trasnuithe teorann atá le clárú in EES as líon iomlán na náisiúnach tríú tír atá faoi réir clárú in EES; agus (iii) i gcás inarb infheidhme, na feidhmiúlachtaí bithmhéadracha ***a mheastar*** a bheidh á n-oibriú ag [...] ***pointí*** trasnaithe teorann [...]. Agus a bpleananna náisiúnta féin um fheidhmiú céimneach á n-ullmhú acu, moltar do na Ballstáit comhordú iomchuí a dhéanamh le hoibreoírí an bhonneagair ina bhfuil pointí trasnaithe teorann lonnaithe. Chun faireachán a dhéanamh ar chomhlíonadh an tús a chuirfear de réir a chéile le **EES**, ba cheart do na Ballstáit tuarascálacha míosúla a sholáthar don Choimisiún agus do eu-LISA maidir le cur chun feidhme a bpleananna ***náisiúnta*** um fheidhmiú céimneach. Ba cheart a chuimsiú sna tuarascálacha míosúla sin bearta ceartaitheacha, i gcás inar gá, chun comhlíonadh an tús a chuirfear leis de réir a chéile le hoibríochtaí a áirithiú.

- (9) [...] *I bhfianaise* go bhféadfadh sé go mbeadh na sonraí atá ar taifead **in EES** neamhiomlán **le linn tús a chur de réir a chéile le hoibríochtaí EES**, ba cheart doiciméid taistil náisiúnach tríú tír a stampáil go córasach ar dhul isteach agus ar imeacht dóibh le linn tús a bheith á chur de réir a chéile le hoibríochtaí EES. Ba cheart do na húdaráis náisiúnta neamhiomláine fhéideartha na dtaifead ar dhul isteach/imeacht nó na dtaifead ar dhiúltú cead isteach a chur san áireamh. ***I gcás nach bhfuil aon sonraí ábhartha EES ann***, [...] ba cheart dóibh a mheas go bhfuil forlámhas ag stampaí ar an [...]. ***I gcás ina bhfuil stampa ar iarraidh***, ba cheart [...] ***dóibh a mheas go bhfuil forlámhas*** ag na sonraí atá ar taifead in EES [...]. ***I gcás ina bhfuil neamhréireacht idir an sainchomhad ina bhfuil sonraí bithmhéadracha agus an stampa, ba cheart dóibh a mheas go bhfuil forlámhas ag sonraí EES. I gcás ina mbeidh neamhréireacht idir an sainchomhad gan sonraí bithmhéadracha agus an [...] stampa nó i gcásanna dá dtagraítear in Airteagal 16(4) de Rialachán (AE) 2017/2226, ba cheart dóibh a chinneadh, de réir an cháis, an ag an stampa nó ag sonraí EES atá forlámhas*** [...].
- (10) Ós rud é go bhféadfadh na sonraí a cláraíodh in EES le linn an tús a chuirfear de réir a chéile le hoibríochtaí EES a bheith neamhiomlán, níor cheart do na húdaráis náisiúnta na torthaí a sholáthraítear leis an áireamhán uathoibrithe maidir le huasfhad an fhanachta údaráithe atá fágtha ag náisiúnaigh tríú tír atá cláraithe in EES a chur san áireamh. Ar an gcuma chéanna, agus a gcúraimí á gcur i gcrích ag na húdaráis náisiúnta, níor cheart dóibh an sásra uathoibrithe a chur san áireamh chun an easpa taifead ar imeacht a shainathint nó a mharcáil tar éis dháta éaga an fhanachta údaráithe nó tar éis na dtaifead inar sáraíodh uasfhad an fhanachta údaráithe, lena ngintear liostaí de dhaoine a shainithnítear mar rófhantóirí.

- (11) Chun an t-am is gá a sholáthar do na Ballstáit chun dul in oiriúint do thús **oibríochtaí** EES, [...] **le linn** na gcéad 60 lá féilire den tús a chuirfear de réir a chéile leis na hoibríochtaí **EES**, níor cheart úsáid feidhmiúlachtaí bithmhéadracha ag pointí trasnaithe teorann a bheith sainordaitheach. Tráth nach déanaí ná an 90ú lá féilire **ón gcéad lá** a chuirfear tús de réir a chéile le hoibríochtaí **EES**, oibreoidh na Ballstáit EES le feidhmiúlachtaí bithmhéadracha ag leath dá bpointí trasnaithe teorann, ar a laghad. Níor cheart soláthar sonraí bithmhéadracha a bheith ina choinníoll maidir le dul isteach le haghaidh náisiúnaigh tríú tír atá faoi réir clárú in EES ag na pointí trasnaithe teorann ag a n-oibrítear EES gan feidhmiúlachtaí bithmhéadracha.
- (12) Chun freastal ar an ngá EES a chur in úsáid de réir feidhmiúlachtaí bithmhéadracha ag roinnt pointí trasnaithe teorann, níor cheart fíorú bithmhéadrach náisiúnach tríú tír atá faoi réir clárú in EES a dhéanamh ach amháin ag na pointí trasnaithe teorann ag a n-oibrítear EES le feidhmiúlachtaí bithmhéadracha.
- (13) Chun comhleanúnachas oibríochtaí na hidir-inoibritheachta idir an Córas Faisnéise Víosáí (VIS) arna bhunú le Rialachán (CE) Uimh. 767/2008 ó Pharlaimint na hEorpa agus ón gComhairle⁶ agus EES a áirithiú, níor cheart rochtain dhíreach a fháil ar VIS ach ag na pointí trasnaithe teorann sin nach n-oibrítear EES acu. Ag na pointí trasnaithe teorann ag a n-oibrítear EES, ba cheart do na húdaráis teorann úsáid a bhaint as an idir-inoibritheacht idir EES agus VIS.

⁶ Rialachán (CE) Uimh. 767/2008 ó Pharlaimint na hEorpa agus ón gComhairle an 9 Iúil 2008 maidir leis an gCóras Faisnéise Víosáí (VIS) agus maidir le sonraí ar víosaí gearrfhanachta a mhalartú idir Bhallstáit (Rialachán VIS) (IO L 218, 13.8.2008, lch. 60, ELI: <http://data.europa.eu/eli/reg/2008/767/oj>).

- (14) Ba cheart náisiúnaigh tríú tír a bhfuil a gcuid sonraí le taifeadadh in EES a chur ar an eolas faoina gcearta agus a n-oibleagáidí maidir le próiseáil a gcuid sonraí i bhfoirm teimpléid dá bhforáiltear in Airteagal 50(5) de Rialachán (AE) 2017/2226. San fhaisnéis atá le soláthar do na náisiúnaigh tríú tír *sin* atá faoi réir clárú EES, ba cheart tagairt a dhéanamh don tús a chuirfear de réir a chéile le hoibríochtaí EES. Ba cheart náisiúnaigh tríú tír a chur ar an eolas sa teimpléad maidir lena n-oibleagáid sonraí bithmhéadracha a sholáthar ag pointí trasnaithe teorann i gcás ina bhfuil sé ina choinníoll maidir le dul isteach. Ba cheart iad a chur ar an eolas sa teimpléad faoi na hiarmhairtí a bheadh ann mura gcuirfí sonraí bithmhéadracha ar fáil. Ba cheart a chur in iúl dóibh sa teimpléad nach mbeidh siad in ann fad an fhanachta údairithe atá fágtha a fhíorú trí mhodhanna uathoibrithe.
- (15) Chun léiriú a thabhairt ar an tús a chuirfear de réir a chéile le hoibríochtaí EES, ba cheart don Choimisiún nuashonruithe ábhartha a thabhairt isteach ar shuíomh gréasáin EES.
- (16) [...] Ba cheart na hábhair faisnéise a d'fhorbair an Coimisiún [...] i gcomhthéacs Airteagal 51 de Rialachán (AE) 2017/2226, ba cheart [...] **don Choimisiún** iad a oiriúnú chun an feachtas faisnéise a dhéanamh, feachtas a ghabhann leis an tús a chuirfear de réir a chéile le hoibríochtaí **EES, le tacaíocht ó na Ballstáit**.
- (17) Le linn an tús a chuirfear de réir a chéile le hoibríochtaí EES, leis an tseirbhís gréasáin **dá dtagraítear in Airteagal 13(1) de Rialachán (AE) 2017/2226**, ní bheidh náisiúnaigh tríú tír in ann fad beacht a bhfanachta údairithe a fhíorú go leictreonach.

- (18) Ní dhéanann an Rialachán seo difear d'oibleagáidí aeriompróirí, muiriompróirí agus iompróirí idirnáisiúnta a iompraíonn grúpaí thar tír i gcóiste mar a leagtar amach in Airteagal 26(1) den Choinbhinsiún lena ndéantar Comhaontú Schengen⁷ a chur chun feidhme agus Treoir 2001/51/CE ón gComhairle.⁸ I ndáil leis sin, ba cheart d'iompróirí na stampaí a ghreamaítear de dhoiciméid taistil a fhíorú. Chun cumarsáid éifeachtach le hionpróirí a áirithiú maidir le EES a chur i bhfeidhm ag na pointí trasnaithe teorann, rud a dtairbheodh taistealaithe de, tá sé ríthábhachtach go mbeidh cur chuige trédhearcach ag na Ballstáit maidir le EES a chur in úsáid ag na pointí trasnaithe teorann atá acu.
- (19) Foráiltear le hAirteagal 22 de Rialachán (AE) 2017/2226 agus Airteagal 12a de Rialachán (AE) 2016/399 maidir le hidirthréimhse agus bearta idirthréimhseacha lena dtagraítear do thús oibríochtaí EES. ***Chun go bhféadfar tús a chur le hoibríochtaí EES de réir a chéile***, is gá maolú ar na hAirteagail sin chun a áirithiú nach mbeidh feidhm ag an idirthréimhse ná ag na bearta idirthréimhseacha ach amháin [...] ***tar éis*** dheireadh thús de réir a chéile le hoibríochtaí ***EES***. Ba cheart gan feidhm a bheith ag an maolú sin 5 bliana agus 180 lá féilire tar éis an dáta a chinnfidh an Coimisiún i gcomhréir le hAirteagal 66(1) de Rialachán (AE) 2017/2226.
- (20) Chun a áirithiú go seachnóidh údarais náisiúnta agus gníomhaireachtaí [...] ***an Aontais***, agus a gcúraimí á gcomhlíonadh acu, cinntí atá bunaithe go heisiach ar shonraí atá cláraithe in EES, ba cheart dóibh a chur san áireamh go bhféadfadh tacair sonraí neamhiomlána a bheith i gcomhaid aonair a chláraítear in EES. Ba cheart gan feidhm a bheith ag an maolú sin 5 bliana tar éis an dáta a chinnfidh an Coimisiún i gcomhréir le hAirteagal 66(1) de Rialachán (AE) 2017/2226 chun an tréimhse choinneála 5 bliana le haghaidh tacair sonraí a léiriú a bhfuil an taifead ar imeacht in easnamh ina leith mar a leagtar amach in Airteagal 34(3) den Rialachán sin. ***Níor cheart taifid ar dhul isteach agus ar imeacht a cruthaíodh le linn thús de réir a chéile na hoibríochta a úsáid le haghaidh tuairisciú uathoibrithe, ná le haghaidh próisis uathoibrithe, lena n-áirítear ceadú uathoibrithe ó ETIAS.***

⁷ an Coinbhinsiún lena ndéantar Comhaontú Schengen an 14 Meitheamh 1985 idir Rialtais Stáit Aontas Eacnamaíoch Benelux, Phoblacht Chónaidhme na Gearmáine agus Phoblacht na Fraince maidir le seiceálacha ag a gcomhtheorainneacha a dhíothú de réir a chéile a chur chun feidhme ('an Coinbhinsiún lena ndéantar Comhaontú Schengen a chur chun feidhme') (IO L 239, 22.9.2000, lch. 19, ELI: <http://data.europa.eu/eli/convention/2000/922/oj>).

⁸ Treoir 2001/51/CE ón gComhairle an 28 Meitheamh 2001, lena bhforlíontar forálacha Airteagal 26 den Choinbhinsiún lena ndéantar Comhaontú Schengen a chur chun feidhme an 14 Meitheamh 1985 (IO L 187, 10.7.2001, lch. 45, ELI: <http://data.europa.eu/eli/dir/2001/51/oj>).

- (21) Agus comhlíontacht fhorálacha [...] Rialachán (AE) 2017/2226 maidir le sonraí a leasú agus luath-léirscriosadh sonraí á n-áirithiú ag na Ballstáit, ba cheart dóibh na sonraí neamhiomlána a chomhlánú a mhéid is ceadmhach le hinfhaighteacht theoranta na dtacar sonraí atá cláraithe in EES le linn an tús a chuirfear de réir a chéile leis na hoibríochtaí.
- (22) *Níor* [...] cheart don Ghníomhaireacht Eorpach um an nGarda Teorann agus Cóstá **rochtain a fháil ar** [...] shonraí atá cláraithe in EES le linn an tús a chuirfear de réir a chéile le hoibríochtaí chun anailísí riosca agus measúnuithe leochaileachta a dhéanamh mar gheall ar neamhiomláine na sonraí a bhféadfadh measúnuithe míthreoracha riosca agus leochaileachta a bheith mar thoradh orthu.
- (23) Chun bainistiú éifeachtach na dteorainneacha seachtracha a áirithiú agus tús á chur de réir a chéile le hoibríochtaí EES, **ba cheart feidhm a bheith ag rialacha sonracha**. Ag na pointí trasnaithe teorann nach n-oibrítear EES acu, déanfar seiceálacha teorann i gcomhréir le Rialachán (AE) 2016/399 de réir mar is infheidhme[...] an lá roimh an dáta a chuirfidh EES tús le hoibríochtaí mar a chinnfidh an Coimisiún i gcomhréir le hAirteagal 66(1) de Rialachán (AE) 2017/2226. Ag na pointí trasnaithe teorann ag a n-oibrítear EES, ba cheart seiceálacha teorann a dhéanamh i gcomhréir le [...] **Rialacháin** (AE) 2017/2226 agus [...] (AE) **2016/399** le maoluithe sonracha ó na Rialacháin sin [...] **arna mbunú faoin Rialachán seo atá le cur i bhfeidhm** maidir le fíorú ag na pointí trasnaithe teorann ag a n-oibrítear EES gan feidhmiúlachtaí bithmhéadracha ionas gur féidir tús a chur de réir a chéile le hoibríochtaí **EES**. Ba cheart é sin a dhéanamh gan dochar d'fhíoruithe sealbhóirí víosa trí mhéarloing a úsáid, i gcomhréir le Rialachán (CE) [...] **767/2008**.

- (24) Chun gur féidir dul in oiriúint go héifeachtach do na socruithe teicniúla agus eagraíochtúla le linn an tús a chuirfear de réir a chéile le hoibríochtaí EES i ngach Ballstát agus chun aghaidh a thabhairt ar imthosca eisceachtúla a bhaineann le cliseadh Lárchóras EES, na gcóras náisiúnta nó an bhonneagair cumarsáide, nó le hamanna feithimh iomarcacha ag a dtéorainneacha, ba cheart an deis a bheith ag na Ballstáit ***uile, gan beann ar cé acu a thosaíonn siad ag úsáid EES ina iomláine nó de réir a chéile***, oibríochtaí EES ag pointí trasnaithe teorann áirithe a chur ar fionraí, ina n-iomláine nó i bpáirt. I gcás fionraí pháirteach, ba cheart clárú sonraí bithmhéadracha in EES a chur ar fionraí. I gcás fionraí iomlán, níor cheart aon sonraí a chlárú in EES. ***Ní dhéanann úsáid an tsásra fionraíochta difear d'oibleagáidí a mhéid a bhaineann leis an amlíne chun tús a chur de réir a chéile le hoibríochtaí, ach d'fhéadfadh sé difear sealadach a dhéanamh do na céatadáin atá beartaithe.*** Chun maolú a dhéanamh ar na rioscaí breise a bhaineann le cur in úsáid EES le feidhmiúlachtaí bithmhéadracha, ba cheart an deis a bheith ag na Ballstáit ***go léir***, in imthosca eisceachtúla as a n-eascraíonn trácht atá chomh dian sin go n-éiríonn na hamanna feithimh ag teorainneacha iomarcach, clárú sonraí bithmhéadracha in EES a chur ar fionraí tar éis an tús a chuirfear de réir a chéile le hoibríochtaí ***EES*** a bheith thart. Ba cheart an fionraí sin a bheith féideartha [...] ***le linn*** tréimhse theoranta [...] ***90*** lá tar éis an tús a chuirfear de réir a chéile le hoibríochtaí EES a bheith thart agus ba cheart síneadh 60 lá a chur leis más rud é go bhfuil sonraí bithmhéadracha i níos lú ná 80 % de na comhaid aonair atá cláraithe in EES le linn an tús a chuirfear de réir a chéile le hoibríochtaí EES.
- (25) Ba cheart do eu-LISA tuarascálacha a eisiúint i ndáil le staidreamh maidir le húsáid an chórais ***EES***, rud ar cheart na nithe seo a leanas a dhéanamh leis: meastóireacht ar fheidhmíocht an chórais, measúnú ar chomhlíontacht na mBallstát le ***feidhmiú céimneach ardleibhéil eu-LISA agus leis na pleananna náisiúnta*** um fheidhmiú céimneach, réimsí le feabhas a chur orthu a shainaithint, faireachán ar chomhlíonadh an tús a chuirfear de réir a chéile le hoibríochtaí EES, agus tacú le cinnteoireacht a bhaineann le tuilleadh forbartha agus optamaithe a dhéanamh ar an gcóras. ***Ina theannta sin, ba cheart do eu-LISA leanúint dá ghnáth-thuairisciú dá Bhord Bainistíochta. Ba cheart do Bhord Bainistíochta eu-LISA faireachán a dhéanamh ar thús a bheith á chur de réir a chéile le hoibríochtaí EES.***

- (26) Ba cheart an obair ullmhúcháin a bhaineann le *feidhmiú céimneach ardleibhéil eu-LISA agus leis na pleananna náisiúnta* um fheidhmiú céimneach a bheith mar thoradh ar theacht i bhfeidhm an Rialacháin seo. Ba cheart tús a chur le hoibríochtaí *EES de réir a chéile agus* ba cheart feidhm a bheith ag *na maoluithe a bhunaítear leis an Rialachán* seo ón dáta a chinnfidh an Coimisiún i gcomhréir le hAirteagal 66(1) de [...] Rialachán *(AE) 2017/2226*. Ós rud é go bhforáiltear leis an Rialachán seo maidir le maoluithe sealadacha, ba cheart gan feidhm a bheith aige 180 lá féilire tar éis an dáta a chinnfidh an Coimisiún i gcomhréir le hAirteagal 66(1) de Rialachán (AE) 2017/2226. Mar sin féin, na rialacha maolúcháin maidir le cur i bhfeidhm na hidirthréimhse agus na mbeart idirthréimhseach, *dá bhforáiltear i Rialachán (AE) 2017/2226, maidir le* rochtain ar shonraí EES, fíorú a bheith á dhéanamh ag iompróirí ar stampaí a ghreamaítear de na doiciméid taistil, agus EES a chur ar fionraí, ba cheart feidhm a bheith acu ar feadh tréimhse theoranta tar éis an tús a chuirfear de réir a chéile le hoibríochtaí *EES* a bheith thart.
- (27) *Ós rud é* nach féidir leis *na* Ballstáit cuspóir an Rialacháin seo, *eadhon* maoluithe ar [...] *Rialacháin* (AE) 2017/2226 agus [...] *(AE) 2016/399* a údarú chun foráil a dhéanamh maidir le tús a chur le hoibríochtaí EES de réir a chéile, a ghnóthú go leordhóthanach agus, de bharr fhairsinge agus [...] *éifeachtaí* na gníomhaíochta, gur fearr is féidir é a ghnóthú ar leibhéal an Aontais [...], féadfaidh an tAontas bearta a ghlacadh, i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach *(CAE)*. I gcomhréir le prionsabal na comhréireachta a leagtar amach san Airteagal sin, ní théann an Rialachán seo thar a bhfuil riachtanach chun [...] *an cuspóir sin* a ghnóthú.
- (28) I gcomhréir le hAirteagail 1 agus 2 de Phrótacal Uimh. 22 maidir le seasamh na Danmhairge, atá i gceangal le CAE agus leis an gConradh ar Fheidhmiú an Aontais Eorpaigh, níl an Danmhairg rannpháirteach i nglacadh an Rialacháin seo agus níl sí faoi cheangal aige ná faoi réir a chur i bhfeidhm. Ós rud é go gcuireann an Rialachán seo le [...] *acquis* Schengen, cinnfidh an Danmhairg, i gcomhréir le hAirteagal 4 den Phrótacal sin, laistigh de thréimhse 6 mhí tar éis don Chomhairle cinneadh a dhéanamh ar an Rialachán seo, an gcuirfidh sí chun feidhme ina dlí náisiúnta é.

- (29) *Is é atá sa Rialachán seo [...] forbairt ar fhorálacha **acquis** Schengen [...] nach bhfuil Éire rannpháirteach ann, i gcomhréir le Cinneadh 2002/192/CE ón gComhairle. dá bhrí sin, níl Éire rannpháirteach i nglacadh an Rialacháin seo agus níl sí faoi cheangal aige ná faoi réir a chur i bhfeidhm.*
- (30) *Maidir leis an Íoslainn agus leis an Iorua, is é atá sa Rialachán seo forbairt ar fhorálacha [...] **acquis** Schengen de réir bhrí an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas [...] **an dá thír sin** le **acquis** Schengen a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointe A, de Chinneadh 1999/437/CE ón gComhairle.*
- (31) *Maidir leis an Eilvéis, is é atá sa Rialachán seo forbairt ar fhorálacha [...] **acquis** Schengen de réir bhrí an Chomhaontaithe arna thabhairt i gcrích idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le [...] **acquis** Schengen a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointe A, de Chinneadh 1999/437/CE, arna léamh i gcomhar le hAirteagal 3 de Chinneadh 2008/146/CE ón gComhairle.*
- (32) *Maidir le Lichtinstéin, is éard atá sa Rialachán seo forbairt ar fhorálacha [...] **acquis** Schengen de réir bhrí an Phrótaicail idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le [...] **acquis** Schengen a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointe A, de Chinneadh 1999/437/CE arna léamh i gcomhar le hAirteagal 3 de Chinneadh 2011/350/AE ón gComhairle.*

- (33) Maidir leis an gCipir, is é atá i bhforálacha an Rialacháin seo a bhaineann le VIS forálacha a chuireann le [...] **acquis** Schengen nó atá gaolmhar leis ar dhóigh eile, de réir bhrí Airteagal 3(2) d'Ionstraim Aontachais 2003. Chun EES a oibriú, ní mór rochtain éighníomhach ar VIS a dheonú. Ós rud é nach bhféadfaidh ach na Ballstáit sin a chomhlíonann na coinníollacha a bhaineann le VIS EES a oibriú ag tús oibríochtaí EES, ní oibreoidh an Chipir EES ó thús na n-oibríochtaí. Tá an Chipir le nascadh le EES a luaithe a chomhlíonfar coinníollacha an nós imeachta dá dtagraítear i Rialachán (AE) 2017/2226.
- (34) Chuathas i gcomhairle leis an Maoirseoir Eorpach ar Chosaint Sonraí i gcomhréir le hAirteagal 42(1) de Rialachán (AE) 2018/1725 agus thug sé an tuairim uaidh an [xx].
- (35) Bunaítear leis an Rialachán seo rialacha dochta maidir le rochtain ar EES, chomh maith leis na cosaintí is gá don rochtain sin ***le linn oibríochtaí EES a bheith á gcur i bhfeidhm de réir a chéile agus ar feadh tréimhse áirithe tar éis do dheireadh teacht le tús de réir a chéile le hoibríochtaí EES. Coimeádtar*** leis freisin [...] cearta an duine aonair i ndáil le rochtain, ceartú, comhlánú, léirscriosadh agus sásamh, go háirithe an ceart leigheas breithiúnach a fháil agus an ceart go ndéanfaidh údarais neamhspleácha phoiblí maoirseacht ar oibríochtaí próiseála ***sonraí ESS***. Dá bhrí sin, leis an Rialachán seo, urramaítear na cearta bunúsacha agus na prionsabail a aithnítear i gCairt um Chearta Bunúsacha an Aontais Eorpaigh, go háirithe an ceart chun dínite daonna, an toirmeasc ar an sclábhaíocht agus ar shaothar éignithe, an ceart chun saoirse agus slándála, meas ar an saol príobháideach agus ar shaol an teaghlaigh, sonraí pearsanta a chosaint, an ceart chun neamh-idirdhealaithe, cearta an linbh, cearta daoine scothaosta, daoine faoi mhíchumas a lánpháirtiú agus an ceart chun leigheas éifeachtach agus triail chóir a fháil.
- (36) Tá an Rialachán seo gan dochar do na hoibleagáidí a eascraíonn as Coinbhinsiún na Ginéive a bhaineann le stádas Dídeanaithe an 28 Iúil 1951, arna fhorlíonadh le Prótacal Nua-Eabhrac an 31 Eanáir 1967.

TAR ÉIS AN RIALACHÁN SEO A GHLACADH:

Airteagal 1

Ábhar

Leis an Rialachán seo, leagtar síos rialacha maidir le tús a chur de réir a chéile le hoibríochtaí an Chórais Dul Isteach/Imeachta **arna bhunú faoi Rialachán 2017/2226 (an ‘EES’[...])** ag teorainneacha na mBallstát ag a n-oibrítear EES i gcomhréir le hAirteagal 4 den Rialachán **sin** agus maoluithe sealadacha **ar fhorálacha áirithe ó Rialacháin** (AE) 2017/2226 agus ar [...] (AE) 2016/399 (EES).

Airteagal 2

Sainmhínithe

Chun críocha an Rialacháin seo, tá feidhm ag na sainmhínithe in Airteagal 3(1) de Rialachán (AE) 2017/2226. Ina theannta sin, tá feidhm ag na sainmhínithe seo a leanas:

- (a) ciallaíonn ‘tús a chuirfear de réir a chéile le hoibríochtaí EES’ an tréimhse 180 lá féilire a thosaíonn ón dáta a chinnfidh an Coimisiún i gcomhréir le hAirteagal 66(1) de Rialachán (AE) 2017/2226;
- (b) ciallaíonn ‘údaráis náisiúnta’ na húdaráis dá dtagraítear in Airteagal 9 de Rialachán (AE) 2017/2226;
- (c) ciallaíonn ‘líon measta trasnuithe teorann’ líon trasnuithe teorann a mheasann Ballstát de náisiúnaigh tríú tír mar a thagraítear di in Airteagal 2(1) agus (2) de Rialachán (AE) 2017/2226 i ngach Ballstát ar bhonn meán bliantúil líon iomlán trasnuithe teorann na náisiúnach tríú tír a thaistealaíonn [...] **chuig** an mBallstát sin **le haghaidh tréimhse ghearrfhanachta**, meán a ríomhtar le haghaidh na **3 bliana** roimh [...] dháta an chur i bhfeidhm dá dtagraítear in Airteagal 8(1), an dara fomhír, den Rialachán seo. **Cinnfear meastacháin bunaithe ar na trasnuithe teorann ag na teorainneacha dá dtagraítear in Airteagal 4 de Rialachán (AE) 2017/2226.**

Airteagal 3

Pleananna um fheidhmiú céimneach agus tuairisciú

1. Ó [...] **oifig IO: 30 lá** féilire [...] **tar éis** theacht i bhfeidhm an Rialacháin seo], soláthróidh Gníomhaireacht an Aontais Eorpaigh chun Bainistiú Oibríochtúil a dhéanamh ar Chórais Mhórsála TF sa Limistéar Saoirse, Slándála agus Ceartais (eu-LISA) plean ardleibhéil um fheidhmiú céimneach maidir leis an tús a chuirfear de réir a chéile le hoibríochtaí EES don Choimisiún, do na Ballstáit, agus do Europol freisin (***plean ardleibhéil um fheidhmiú céimneach eu-LISA***), agus na céimeanna a leagtar amach in **mír 2-5 d’Airteagal 4** á gcur san áireamh. Áireofar sa phlean treoraíocht [...] do na Ballstáit agus Europol [...] **maidir le húsáid** ESS. Leis an bplean sin, **déanfar spriocanna feidhmíochta agus infhaighteachta** lárchóras **EES a dheimhniú chomh maith leis an straitéis maidir le mionlochtanna feidhmiúla, mórlochtanna agus fabhtanna blocála a d’fhéadfadh a bheith ann amach anseo.**
2. Ó [...] **oifig IO: 60 lá** féilire [...] **tar éis** theacht i bhfeidhm an Rialacháin seo], i gcomhairle leis an gCoimisiún agus le eu-LISA, forbróidh **gach Ballstáit** [...] plean náisiúnta um fheidhmiú céimneach maidir leis an tús a chuirfear de réir a chéile le hoibríochtaí EES, agus plean ardleibhéil **eu-LISA** um fheidhmiú céimneach [...] agus na céimeanna a leagtar amach in Airteagal 4 á gcur san áireamh.
3. I gcás gach ceann de na céimeanna a leagtar amach in Airteagal 4, cuimseofar sna pleananna náisiúnta um fheidhmiú céimneach an fhaisnéis maidir leis na tairseacha agus na ceanglais a leagtar amach san Airteagal sin.
4. Ón 30^ú lá féilire tar éis **an chéad lá** den tús a chuirfear de réir a chéile le hoibríochtaí EES, soláthróidh na Ballstáit tuarascálacha míosúla don Choimisiún agus do eu-LISA [...] lena **ndeimhnítear** cur chun feidhme a bpleananna náisiúnta um fheidhmiú céimneach, [...] nó lena **saináithnítear** bearta ceartaitheacha, i gcás inar gá, chun na hoibleagáidí a leagtar amach in Airteagal 4 a chomhlíonadh.

5. Arna iarraidh sin don Choimisiún, soláthróidh eu-Lisa don Choimisiún an staidreamh is gá chun faireachán a dhéanamh ar ***phlean ardleibhéil eu-LISA um fheidhmiú céimneach agus ar na*** pleananna náisiúnta um fheidhmiú céimneach, i gcomhréir le hAirteagal 63(6) de Rialachán (AE) 2017/2226.

5a. ***Glacfaidh Bord Bainistíochta eu LISA plean ardleibhéil eu-LISA um fheidhmiú céimneach dá dtagraítear i mír 1 den Airteagal seo. Déanfaidh Bord Bainistíochta eu-LISA faireachán freisin ar fhorbairt Lárchóras EES i gcomhréir le hAirteagal 19 de Rialachán (AE) 2018/1726, go háirithe maidir le tús a chur de réir a chéile le hoibríochtaí.***

Airteagal 4

Tús a chur de réir a chéile le hoibríochtaí

1. De mhaolú ar Airteagal 66(6) de Rialachán (AE) 2017/2226 le linn an tús a chuirfear de réir a chéile le hoibríochtaí EES, úsáidfí na Ballstáit EES mar a leagtar amach i ***mír 2 go 6 den*** Airteagal seo.
2. Ón gcéad lá a chuirfear tús de réir a chéile le hoibríochtaí EES, tosóidh gach Ballstát de bheith ag úsáid EES ar dhul isteach agus ar imeacht do dhaoine ag pointe trasnaithe teorann amháin nó níos mó agus, más féidir agus más infheidhme, le meascán de phointí trasnaithe teorann aeir, talún agus mara, chun sonraí na náisiúnach tríú tír dá dtagraítear in Airteagal 2(1) agus (2) de Rialachán (AE) 2017/2226 a thaifeadadh agus a stóráil. ***Faoi 30ú lá féilire ón gcéad lá a chuirfear tús de réir a chéile le hoibríochtaí EES***, cláróidh na Ballstáit in EES 10 % ar a laghad de líon measta na dtrasnuithe teorann sa Bhallstát sin.

[...] ***Le linn*** na gcéad 60 lá féilire ón tús a chuirfear de réir a chéile le hoibríochtaí EES, féadfaidh na Ballstáit EES a oibriú gan feidhmiúlachtaí bithmhéadracha, agus féadfaidh na húdaráis náisiúnta sainchomhaid nach bhfuil sonraí bithmhéadracha iontu a chruthú [...] ***agus*** a nuashonrú.

3. [...] **Faoi**n 90^ú lá féilire [...] **ón gcéad lá** a chuirfear tús de réir a chéile le hoibríochtaí ESS, oibreoidh na Ballstáit EES le feidhmiúlachtaí bithmhéadracha ag leath dá bpointí trasnaithe teorann ar a laghad. Cláróidh na Ballstáit **in EES** 50 % ar a laghad den líon measta trasnuithe teorann sa Bhallstát sin. Beidh sonraí bithmhéadracha i gcomhaid aonair na náisiúnach tríú tír dá dtagraítear in Airteagal 2(1) agus (2) de Rialachán (AE) 2017/2226 atá cláraithe in EES.
4. [...] **Faoi**n 150^ú lá féilire [...] **ón gcéad lá** a chuirfear tús de réir a chéile le hoibríochtaí EES, oibreoidh na Ballstáit EES le feidhmiúlachtaí bithmhéadracha ag a bpointí trasnaithe teorann uile agus leanfaidh siad de bheith ag clárú in EES 50 % ar a laghad den líon measta trasnuithe teorann sa Bhallstát sin.
5. [...] **Faoi**n 170^ú lá [...] féilire [...] **ón gcéad lá** a chuirfear tús de réir a chéile le hoibríochtaí EES, oibreoidh na Ballstáit EES le feidhmiúlachtaí bithmhéadracha ag a bpointí trasnaithe teorann uile, agus cláróidh siad in EES na náisiúnaigh tríú tír uile dá dtagraítear in Airteagal 2(1) agus (2) de Rialachán (AE) 2017/2226.
6. Diúltuithe cead isteach, a chinnfear ag pointe trasnaithe teorann ag a n-oibrítear EES, thaifeadfar in EES iad, [...] **i gcomhréir le** hAirteagal 18 de Rialachán (AE) 2017/2226. **Chun críche na míre seo**, i gcás ina n-oibrítear EES le feidhmiúlachtaí bithmhéadracha, déanfar diúltuithe cead isteach a thaifeadadh le sonraí bithmhéadracha[...] **agus** i gcás ina n-oibrítear EES gan feidhmiúlachtaí bithmhéadracha, déanfar diúltuithe cead isteach a thaifeadadh gan sonraí bithmhéadracha, **ach amháin i gcás inar féidir na sonraí bithmhéadracha a aisghabháil ó VIS**.
7. Ón gcéad lá a chuirfear tús de réir a chéile le hoibríochtaí EES, úsáidfídh Europol EES mar a fhoráiltear i Rialachán (AE) 2017/2226.

Airteagal 5

Maoluithe eile ar Rialachán (AE) 2017/2226 agus Rialachán (AE) 2016/399

1. I dteannta rialacha Airteagal 4, beidh feidhm ag na rialacha a leagtar amach san Airteagal seo nuair a chuirfear tús de réir a chéile le hoibríochtaí EES.
2. Déanfaidh údaráis teorann doiciméid taistil na náisiúnach tríú tír dá dtagraítear in Airteagal 2(1) agus (2) de Rialachán (AE) 2017/2226 a stampáil go córasach ar dhul isteach agus imeacht dóibh.

Beidh feidhm *mutatis mutandis* ag na hoibleagáidí stampála dá dtagraítear in Airteagal 42a(1), an dara fomhír, agus in Airteagal 42a(2), (5) agus (6) de Rialachán (AE) 2016/399 sna Ballstáit a oibríonn EES.

3. Chun na sonraí a iontráil, a leasú, a léirscriosadh agus a cheadú in EES, déanfaidh na húdaráis náisiúnta atá inniúil chun na gcríoch a leagtar síos in Airteagail 23 go 35 de Rialachán (AE) 2017/2226 an méid seo a leanas [...]:

(a) a mheas go bhfuil forlámhas ag stampaí greamaithe i gcás nach bhfuil aon sonraí EES ábhartha ann,

(b) a mheas go bhfuil forlámhas ag sonraí EES:

(i) i gcás ina bhfuil neamhréireacht idir an sainchomhad ina bhfuil sonraí bithmhéadracha agus an stampa a greamaíodh, nó

(ii) i gcás ina bhfuil stampa ar iarraidh;

(c) cinneadh a dhéanamh ar bhonn cáis ar chás an bhfuil forlámhas ag an stampa nó ag na sonraí EES:

(i) i gcás ina bhfuil neamhréireacht idir an sainchomhad gan sonraí bithmhéadracha agus an stampa a greamaíodh de réir mhír 2; nó

(ii) i gcásanna dá dtagraítear in Airteagal 16(4) de Rialachán (AE) 2017/2226.

4. In éagmais stampa a bheith greamaithe den doiciméad taistil agus de chomhad aonair a cruthaíodh in EES le haghaidh náisiúnach tríú tír atá i láthair ar chríoch [...] **Ballstáit** [...], féadfaidh na húdaráis náisiúnta a thoimhdiú nach gcomhlíonann an náisiúnach tríú tír na coinníollacha a bhaineann le dul isteach nó fanacht sna Ballstáit nó nach gcomhlíonann sé a thuilleadh iad.

[...] Ní bheidh feidhm ag **an** toimhde **dá dtagraítear i bhfomhír 1** den Airteagal seo maidir le náisiúnach tríú tír atá in ann, ar bhealach ar bith, fianaise inchreidte a chur ar fáil a léiríonn go bhfuil an ceart chun saorghluaiseachta aige nó aici faoi dhlí an Aontais, [...] nó go bhfuil cead cónaithe nó víosa fadfhanachta aige nó aici.

[...] Féadfar **an** toimhde **dá dtagraítear i bhfomhír 1** a bhréagnú i gcás ina gcuirfidh an náisiúnach tríú tír ar fáil, ar bhealach ar bith, fianaise inchreidte, **cuir i gcás ticéid taistil nó cruthúnas go raibh an náisiúnach tríú tír lasmuigh de chríoch na mBallstát nó fianaise ar dháta éaga ceada chónaithe nó víosa fadfhanachta, a bhí aige nó aici roimhe sin**, a léiríonn gur urramaigh sé nó sí na coinníollacha a bhaineann le fad gearrfhanachta.

I gcás ina mbréagnaítear an toimhde, déanfaidh na húdaráis náisiúnta **a úsáideann EES** ceann amháin nó níos mó de na cúraimí seo a leanas [...], a mhéid a cheadaítear faoin Rialachán seo:

- (a) sainchomhad don náisiúnach tríú tír sin a chruthú in EES, más gá;
- (b) an taifead is déanaí ar dhul isteach/imeacht a nuashonrú trí na sonraí atá in easnamh a iontráil;
- (c) comhad atá ann cheana a léirscriosadh i gcás ina bhforáiltear le hAirteagal 35 de Rialachán (AE) 2017/2226 go ndéanfar léirscriosadh den sórt sin.

5. Ní bhainfidh údaráis teorann úsáid as an idir-inoibritheacht idir EES agus VIS dá dtagraítear in Airteagal 8(2) de Rialachán (AE) 2017/2226 ach amháin ag na pointí trasnaithe teorann ag a n-oibrítear EES. Leanfaidh údaráis teorann de rochtain dhíreach a fháil ar VIS:
- (a) ag na pointí trasnaithe teorann nach n-oibrítear EES acu;
 - (b) i gcás ina gcuirtear EES ar fionraí [...] **de bhun** Airteagal 7 den Rialachán seo.
6. Tabharfaidh na húdaráis náisiúnta agus Europol neamhaird ar na nithe seo a leanas:
- (a) torthaí an áireamhain uathoibrithe lena soláthraítear faisnéis maidir le huasfhad an fhanachta údaraithe dá dtagraítear in Airteagal 11 de Rialachán (AE) 2017/2226;
 - (b) an liosta a ghintear go huathoibríoch de rófhantóirí agus a iarmhairtí go háirithe dá dtagraítear in Airteagal 6(1), pointí (c) agus (h), Airteagal 12(3), Airteagal 16(4), Airteagal 34(3), Airteagal 50(1), pointí (i) agus (k), Airteagal 63(1), pointe (e) den Rialachán sin.
7. **Chun críocha Airteagal 45 agus Airteagal 48 de Rialachán (AE) 2017/2226**, oibríochtaí próiseála a dhéanfaidh Ballstáit **ar shonraí EES** [...] **de bhun** an Rialacháin seo, ní mheasfar iad a bheith neamhdhleathach ná neamhchomhlíontach le Rialachán (AE) 2017/2226 [...].
8. Déanfar céannacht náisiúnach tríú tír agus clárú náisiúnach tríú tír roimhe sin de bhun Airteagal 23 de Rialachán (AE) 2017/2226 a fhíorú i leith na náisiúnach tríú tír dá dtagraítear in Airteagal 2(1) agus (2) den Rialachán sin ag na pointí trasnaithe teorann ag a n-oibrítear EES le feidhmiúlachtaí bithmhéadracha, lena n-áirítear trí chórais féinseirbhíse, i gcás ina mbeidh fáil orthu.

9. I dteannta na faisnéise sonraí dá dtagraítear in Airteagal 50(5) de Rialachán (AE) 2017/2226 atá le cur isteach ag na Ballstáit sa teimpléad chun faisnéis a sholáthar do náisiúnaigh tríú tír **dá dtagraítear in Airteagal 2(1) agus (2) den Rialachán sin** maidir le próiseáil a sonraí pearsanta in EES, **comhlánóidh** na Ballstáit [...] an teimpléad [...] **a chuirfear ar fáil do** na náisiúnaigh tríú tír **sin** tráth a bheidh comhad aonair an duine lena mbaineann á chruthú leis an bhfaisnéis seo a leanas:
- ‘Tá an Córas Dul Isteach/Imeachta á leathnú amach de réir a chéile. Le linn **thréimhse** [...] **an fheidhmithe chéimnigh sin** [...] [ón ...], d’fhéadfadh sé nach mbaileofaí do shonraí pearsanta, lena n-áirítear do shonraí bithmhéadracha, chun críocha an Chórais Dul Isteach/Imeachta ag teorainneacha seachtracha na mBallstát go léir. Más gá dúinn an fhaisnéis seo a bhailiú agus má roghnaíonn tú gan í a sholáthar, diúltófar dul isteach duit. Le linn na tréimhse sin um fheidhmiú céimneach a dhéanfar de réir a chéile, ní chuirfear do shonraí go huathoibríoch le liosta rófhantóirí. Ina theannta sin, ní bheidh tú in ann a sheiceáil cá fhad eile a bheidh tú údaraithe le fanacht tríd an suíomh gréasáin ná an trealamh atá le fáil ag pointí trasnaithe teorann a úsáid.
- Tabhair do d’aire, nuair a bheidh feidhmiú céimneach EES curtha i gcrích, go bpróiseálfar do shonraí pearsanta de réir na faisnéise a sholáthraíonn tú sa doiciméad a ghabhann leis an bhfoirm seo.’
10. Déanfaidh an Coimisiún an fhaisnéis ar shuíomh gréasáin EES dá dtagraítear in Airteagal 50(3) de Rialachán (AE) 2017/2226 a oiriúnú chun léiriú a thabhairt ar an tús a chuirfear de réir a chéile le hoibríochtaí **EES**.
11. San fheachtas faisnéise dá dtagraítear in Airteagal 51 de Rialachán (AE) 2017/2226 a bheidh ag gabháil le tús oibríochtaí EES, léireofar na coinníollacha [...] ag na pointí trasnaithe teorann, lena n-áirítear go gcuirfear an fhaisnéis ábhartha in iúl dóibh siúd a ndéantar difear dóibh, agus na céimeanna a leagtar amach in Airteagal 4 den Rialachán seo á gcur san áireamh. Déanfaidh an Coimisiún **ábhair an fheachtais faisnéise a oiriúnú laistigh de thréimhse ama réasúnta, sula gcuirfear tús leis na hoibríochtaí. Tacóidh an Coimisiún** leis na Ballstáit ábhair oiriúnaithe an fheachtais faisnéise a ullmhú.

12. Cuirfear ar fionraí cur i bhfeidhm *Airteagal 11(3)*, Airteagal 12(1) agus (2), Airteagal 13(1) agus (2), Airteagal 20 agus Airteagal 21 de Rialachán (AE) 2017/2226, *mar aon le cur i bhfeidhm Airteagal 8(9) de Rialachán (AE) 2016/399*.
13. De mhaolú ar Airteagal 22 de Rialachán (AE) 2017/2226 agus Airteagal 12a de Rialachán (AE) 2016/399, beidh feidhm ag an idirthréimhse agus ag na bearta idirthréimhseacha a leagtar amach sna hAirteagail sin ón gcéad lá tar éis an tús a chuirfear de réir a chéile le hoibríochtaí EES *a bheith thart* [...].
14. Ag na pointí trasnaithe teorann nach n-oibrítear EES acu, déanfar seiceálacha teorann i gcomhréir le Rialachán (AE) 2016/399 de réir mar is infheidhme an lá roimh an dáta a chuirfidh EES tús le hoibríochtaí mar a chinnfidh an Coimisiún i gcomhréir le hAirteagal 66(1) de Rialachán (AE) 2017/2226.

Ag na pointí trasnaithe teorann ag a n-oibrítear EES, déanfar seiceálacha teorann i gcomhréir le Rialachán (AE) 2017/2226 agus Rialachán (AE) 2016/399.

De mhaolú ar an dara fomhír, ag na pointí trasnaithe teorann ag n-oibrítear EES gan feidhmiúlachtaí bithmhéadracha, ní bheidh feidhm ag Airteagal 6(1), pointe (f)(i), *de Rialachán (AE) 2016/399*, ná ag na forálacha maidir le náisiúnaigh tríú tír a fhíorú ar bhonn sonraí bithmhéadracha, chun críocha EES amháin, dá dtagraítear in Airteagal [...] *6(1)*, pointe (f)(ii) agus in Airteagal 8(3), pointí (a) agus (g) den Rialachán *sin*.

Chun críocha an Rialacháin seo, cuirfear ar fionraí Airteagal 9(3) agus Airteagal 12 de Rialachán (AE) 2016/399, *mar aon le hAirteagal 8(9) de Rialachán (AE) 2017/2226*.

- 14a. De mhaolú ar Airteagal 37 de Rialachán (AE) 2017/2226, leanfaidh Bord Bainistíochta an Chláir dá ghníomhaíochtaí go dtí go mbeidh an tús de réir a chéile le hoibríochtaí EES thart, agus go háirithe, déanfaidh sé faireachán ar an tús sin a dhéanfar de réir a chéile.*

Airteagal 6
Rochtain ar shonraí EES

1. Agus a dtascanna á bhfeidhmiú acu, nuair a bheidh rochtain á fáil acu ar na taifid ar dhul isteach agus imeacht a chlárófar in EES le linn an tús a chuirfear de réir a chéile le hoibríochtaí, déanfaidh siad an méid seo a leanas:
 - (a) cuirfidh údarais náisiúnta agus Europol san áireamh, de bharr oibríochtaí athraitheacha EES i ngach Ballstát le linn an tús a chuirfear de réir a chéile le hoibríochtaí EES, go bhféadfadh na sonraí a bheith neamhiomlán;
 - (b) cuirfidh na húdarais náisiúnta san áireamh go bhféadfadh na sonraí a bheith neamhiomlán agus sonraí á gcur in iúl acu i gcomhréir le hAirteagail 41 agus 42 de Rialachán (AE) 2017/2226;
 - (c) cuirfidh Láraonad ETIAS san áireamh, maidir leis na taifid ar dhul isteach agus imeacht a chláraítear in EES le linn an tús a chuirfear de réir a chéile le hoibríochtaí EES, go bhféadfaí tacair neamhiomlána sonraí a áireamh sna taifid chun críoch fíoraithe i gcomhréir le hAirteagal 25a(2) de Rialachán (AE) 2017/2226.
2. Cuirfidh údarais inniúla, an Coimisiún agus gníomhaireachtaí ábhartha an Aontais san áireamh, maidir leis na sonraí a chláraítear in EES le linn an tús a chuirfear de réir a chéile le hoibríochtaí EES, [...] **go bhféadfadh siad a bheith** neamhiomlán agus rochtain á fáil acu ar shonraí **chun críche** tuairiscithe agus staidrimh [...] **i gcomhréir le** hAirteagal 63 de Rialachán (AE) 2017/2226.

3. [...] Fíoróidh iompróirí na stampaí a ghreamófar de na doiciméid taistil d'fhonn a n-oibleagáidí a chomhlíonadh faoi Airteagal 26(1) den Choinbhinsiún lena gcuirtear Comhaontú Schengen chun feidhme agus faoi Threoir 2001/51/CE ón gComhairle maidir le fad an tús a chuirfear de réir a chéile le hoibríochtaí EES. **De mhaolú ar Airteagal 13(3) de Rialachán (AE) 2017/2226, féadfaidh iompróirí tús a chur le húsáid na seirbhíse gréasáin dá dtagraítear san Airteagal sin ón 90ú lá féilire tar éis an tús a chuirfear de réir a chéile le hoibríochtaí EES.**
- [...] **Le linn** 180 lá féilire tar éis an tús a chuirfear de réir a chéile le hoibríochtaí EES a bheith thart, leanfaidh iompróirí d'fhíorú a dhéanamh ar na stampaí a ghreamaítear de dhoiciméid taistil, i dteannta an tseirbhís gréasáin a úsáid [...] **de bhun** Airteagal 13(3) de Rialachán (AE) 2017/2226, d'fhonn a n-oibleagáidí a chomhlíonadh faoi Airteagal 26(1) den Choinbhinsiún lena gcuirtear chun feidhme Comhaontú Schengen agus **faoi** Threoir 2001/51/CE ón gComhairle.
4. Agus na hoibleagáidí dá dtagraítear in Airteagail 35 agus 52 de Rialachán (AE) 2017/2226 i ndáil le sonraí pearsanta a thaifeadtar in EES a chur i gcrích á gcomhlíonadh ag na Ballstáit, ní chomhlánóidh siad na sonraí ábhartha ach a mhéid is féidir agus aird á tabhairt ar infhaighteacht theoranta na dtacar sonraí a bhaileofar le linn an tús a chuirfear de réir a chéile le hoibríochtaí EES. I gcás inarb infheidhme, tagróidh an cinneadh riaracháin dá dtagraítear in Airteagal 52(4) de Rialachán (AE) 2017/2226 do na coinníollacha a leagtar amach in Airteagal 4 den Rialachán seo lenar féidir comhaid neamhiomlána a chlárú.
5. De mhaolú ar Airteagal 63(1), an dara fomhír, de Rialachán (AE) 2017/2226, ní bheidh rochtain ag foireann chuí-údaraithe na Gníomhaireachta Eorpaí um an nGarda Teorann agus Cósta ar na sonraí a chlárófar in EES le linn an tús a chuirfear de réir a chéile le hoibríochtaí EES chun anailísí riosca agus measúnuithe leochaileachta a dhéanamh.

Airteagal 7
EES a chur ar fionraí

1. Le linn an tús a chuirfear de réir a chéile le hoibríochtaí EES, féadfaidh na Ballstáit feidhmiú EES ag pointí áirithe trasnaithe teorann a chur ar fionraí go hiomlán nó go páirteach in imthosca eisceachtúla ina gclisfeadh ar Lárchóras EES, córais náisiúnta, nó bonneagar cumarsáide, nó teagmhais as a n-eascaíonn an oiread sin tráchta go mbeadh am feithimh ag pointe trasnaithe teorann iomarcach.

I gcás fionraí pháirteach, baileofar na sonraí dá dtagraítear in Airteagail 16 go 20 de Rialachán (AE) 2017/2226, cé is moite de shonraí bithmhéadracha.

I gcás fionraí iomlán, cuirfidh na Ballstáit oibríochtaí EES ar fionraí go hiomlán agus ní bhaileoidh siad na sonraí dá dtagraítear in Airteagail 16 go 20 den Rialachán sin.

Sa dá chás sin, tabharfaidh na Ballstáit fógra go pras agus tráth nach déanaí ná [...] **12** uair an chloig tar éis thús na fionraí don Choimisiún agus do eu-LISA maidir leis an gcúis atá leis an bhfionraí pháirteach nó iomlán agus an fad a mheastar a mhairfidh sí nó an fad ***iarbhír a mhairfidh sí*** agus [...], ***i gcás inarb ábhartha de réir chúinsí áitiúla na bpointí trasnaithe teorann, cuirfidh sí*** oibreoirí bonneagair a bhfuil pointí trasnaithe teorann á n-óstáil acu ***ar an eolas*** [...] faoin bhfionraí sin. A luaithe a thiocfaidh deireadh leis na himthosca eisceachtúla ba chúis leis an bhfionraí, tabharfaidh na Ballstáit fógra don Choimisiún agus do eu-LISA go pras.

- 1a. I gcás ina gclisfidh ar Lárchóras EES, tabharfaidh eu-LISA fógra don Choimisiún agus do na Ballstáit go pras faoin gcúis atá leis sin agus faoin bhfad a mheastar a mhairfidh sé. Tabharfaidh eu-LISA fógra dóibh go pras freisin nuair a leigheasfar an cliseadh. Deimhneoidh na Ballstáit uile go pras do eu-LISA agus don Choimisiún nuair a chuirfear tús arís leis na hoibríochtaí.***

2. [...] **Le linn** thréimhse [...] **90** lá féilire tar éis an tús a chuirfear de réir a chéile le hoibríochtaí EES a bheith thart, d'fhéadfadh na Ballstáit feidhmiú EES a chur ar fionraí go páirteach mar a thagraítear dó i mír 1, an dara fómhír, ag pointe áirithe trasnaithe teorann ar feadh am teoranta [...] **12** uair an chloig agus in imthosca eisceachtúla amháin as a n-eascraíonn an oiread sin tráchta go mbeadh an t-am feithimh ag pointe trasnaithe teorann iomarcach. **Le linn na fionraí páirtí sin**, scaoilfear na Ballstáit óna n-oibleagáid a leagtar amach in Airteagal 21(1) de Rialachán (AE) 2017/2226 a mhéid a bhaineann le **clárú na** sonraí bithmhéadracha. Sna cásanna sin, tabharfaidh na Ballstáit fógra go pras agus tráth nach déanaí ná [...] **12** uair an chloig tar éis thús na fionraí **páirtí** don Choimisiún agus do eu-LISA maidir le cúis na fionraí agus an fad a mheastar a mhairfidh sí **nó** an fad **iarbhír a mhairfidh sí**.
3. Más rud é, le linn an tús a chuirfear de réir a chéile le hoibríochtaí EES, go bhfuil sonraí bithmhéadracha i níos lú ná 80 % de na comhaid a chláraítear in EES, cuirfear síneadh 60 lá féilire go huathoibríoch leis an tréimhse **90 lá féilire** a leagtar amach i mír 2 [...].
4. [...] Soláthróidh eu-LISA staidreamh don Choimisiún a chuirfidh ar a chumas don Choimisiún a fhíorú ar baineadh amach an céatadán sin **dá dtagraítear i mír 3** [...] faoin 10ú lá féilire tar éis an tús a chuirfear de réir a chéile le hoibríochtaí EES a bheith thart. Tráth nach déanaí ná an 30ú lá féilire tar éis an tús a chuirfear de réir a chéile le hoibríochtaí EES a bheith thart, cuirfidh an Coimisiún na Ballstáit ar an eolas faoi thoradh a fhíoraithe.

Airteagal 8

Teacht i bhfeidhm agus cur i bhfeidhm

1. Tiocfaidh an Rialachán seo i bhfeidhm ar [...] **an tríú lá** tar éis a fhoilsithe in *Iris Oifigiúil an Aontais Eorpaigh*.

Beidh feidhm aige ón dáta a thiocfaidh EES i bhfeidhm mar a chinnfidh an Coimisiún i gcomhréir le hAirteagal 66(1) de Rialachán (AE) 2017/2226.

Beidh feidhm ag Airteagal 3 den Rialachán seo, áfach, ón **[Oifig IO: dáta [...]]** theacht i bhfeidhm an Rialacháin seo/.

2. Scoirfidh an Rialachán seo d’fheidhm a bheith aige 180 lá féilire ón dáta a thiocfaidh EES i bhfeidhm mar a chinnfidh an Coimisiún i gcomhréir le hAirteagal 66(1) de Rialachán (AE) 2017/2226. Mar sin féin:
- (a) scoirfidh Airteagal 5(13) d’fheidhm a bheith aige 5 bliana agus 180 lá féilire tar éis an dáta ***a chuirfidh EES tús le hoibríochtaí mar*** a chinnfidh an Coimisiún i gcomhréir le hAirteagal 66(1) de Rialachán (AE) 2017/2226;
 - (b) scoirfidh Airteagal 6(1), (2), (4) agus (5) d’fheidhm a bheith acu 5 bliana agus 180 lá féilire tar éis an dáta ***a chuirfidh EES tús le hoibríochtaí mar*** a chinnfidh an Coimisiún i gcomhréir le hAirteagal 66(1) de Rialachán (AE) 2017/2226;
 - (c) Scoirfidh Airteagal 6(3), an dara fomhír, d’fheidhm a bheith aige 360 lá féilire tar éis an dáta ***a chuirfidh EES tús le hoibríochtaí mar*** a chinnfidh an Coimisiún i gcomhréir le hAirteagal 66(1) de Rialachán (AE) 2017/2226;
 - (d) scoirfidh Airteagal 7(2) agus (3) d’fheidhm a bheith acu [...] **330** lá féilire tar éis an dáta ***a chuirfidh EES tús le hoibríochtaí mar*** a chinnfidh an Coimisiún i gcomhréir le hAirteagal 66(1) de Rialachán (AE) 2017/2226;
 - (e) scoirfidh Airteagal 7(4) d’fheidhm a bheith aige 210 lá féilire tar éis an dáta a chinnfidh an Coimisiún i gcomhréir le hAirteagal 66(1) de Rialachán (AE) 2017/2226.

Beidh an Rialachán seo ina cheangal go huile agus go hiomlán agus beidh sé infheidhme go díreach sna Ballstáit ***uile i gcomhréir leis na Conarthaí.***

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán